



Odbor za dodjelu "Šestoaprilske nagrade Grada Sarajeva" u 2024. godini

Broj: 04- GV-02- /24

Datum, godine

Odbor za dodjelu "Šestoaprilske nagrade Grada Sarajeva" u 2024. godini, na sjednici održanoj 23.02.2024. godine, razmatrao je:

- Izvještaj o radu Odbora za dodjelu „Šestoaprilske nagrade Grada Sarajeva“ u 2024. godini

i podnosi Gradskom vijeću Grada Sarajeva sljedeći:

Izvještaj o radu Odbora za dodjelu „Šestoaprilske nagrade Grada Sarajeva“ u 2024. godini

(radni materijal)

Gradsko vijeće Grada Sarajeva je svojom Odlukom o imenovanju Odbora za dodjelu „Šestoaprilske nagrade Grada Sarajeva“ u 2024. godini, (Službene novine Kantona Sarajevo, broj: 44/22), formiralo Odbor za dodjelu „Šestoaprilske nagrade Grada Sarajeva“ u 2023. godini koji čine članovi Komisije za izbor i imenovanja Gradskog vijeća Grada Sarajeva u sastavu Mirela Džehverović, dr.sci, Drago Jurić, Vedad Deljković, Biljana Lazarević, Almedin Miladin, Muamer Mekić, Adi Škaljić te istaknuti javni djelatnici Akademik Kemal Hanjalić, Prof.dr. Hadžan Konjo, Mirsada Murtić, dr.sc., Prof.dr. Jasmina Selimović, Prof.dr. Amela Mustafić i Prof.dr. Ifet Mahmutović.

Odbor je dana 30.11.2023. godine održao Konstituirajuću sjednicu na kojoj je, u skladu sa Odlukom o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 41/22 i 49/22), za predsjedavajućeg Odbora izabrao Adija Škaljića, a za zamjenika Predsjedavajućeg Vedada Deljkovića. Potom je Odbor razmotrio te se odredio o bitnim elementima budućeg rada.

Nakon konstituiranja Odbora za dodjelu „Šestoaprilske nagrade Grada Sarajeva“ u 2024. godini, usvojen je Poslovnik o radu Odbora za dodjelu „Šestoaprilske nagrade Grada Sarajeva“ u 2024. godini, dinamika rada Odbora, prijedlog štampanih i elektronskih medija javnog informiranja za objavu javnog poziva kao i spisak strukovnih udruženja i komora kojima je potrebno uputiti tekst Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2024. godini. Zatim je utvrđen tekst Javnog poziva koji je upućen medijima javnog informiranja i ranije određenim subjektima, u potrebnom roku. Javni poziv je bio otvoren do 25.01.2024. godine.

Adresa: Hamdije Kreševljakovića 3

71 000 Sarajevo

Tel.: +387 33 216 659

Fax: +387 33 205 874

Email: gsgv@sarajevo.ba

Web: gradskovijece.sarajevo.ba



Prva sjednica je održana 01.02.2024. godine i na toj sjednici je Odbor zaprimio sve pristigle prijedloge za kandidate za dodjelu Nagrade te je Odbor donio određene zaključke s ciljem usmjerenja daljeg rada Odbora.

Druga sjednica Odbora je održana 05.02.2023. godine. Odbor za dodjelu „Šestoaprilske nagrade Grada Sarajeva“ u 2024. godini je na ovoj sjednici razmotrio prijedloge pristigle po Javnom pozivu o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2024. godini.

U roku utvrđenom u Javnom pozivu, Odboru za dodjelu “Šestoaprilske nagrade Grada Sarajeva” u 2024. godini, dostavljen je ukupno 21 prijedlog, s 7 podrški, za 15 kandidata i to za 10 kandidata za dodjelu pojedinačne nagrade i za 5 kandidata za dodjelu kolektivne nagrade. Poslije roka nije pristigao niti jedan prijedlog.

Odbor je proveo Prvi krug glasanja (Očitovanje Odbora za dodjelu „Šestoaprilske nagrade Grada Sarajeva“ u 2024. godini o blagovremenosti i potpunosti pristiglih prijedloga po Javnom pozivu o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2024. godini) i utvrdio spiskove kandidata za Drugi krug glasanja (posebno za pojedinačnu i posebno za kolektivnu Nagradu).

Treća sjednica Odbora je održana 13.02.2024. godine. Na ovoj sjednici je nastavljen rad Odbora u skladu s procedurom iz Poslovnika o radu Odbora. Proveden je prvi korak II kruga glasanja i izjašnjavanje o tome da li je doprinos predloženih kandidata u okviru kriterija za dodjelu Nagrade i to najprije o predloženim kandidatima za dodjelu pojedinačne, a zatim i kolektivne “Šestoaprilske nagrade Grada Sarajeva ” u 2024. godini.

Po izvršenom javnom glasanju utvrđen je spisak kandidata čiji je doprinos u okviru kriterija za dodjelu Nagrade i to posebno za pojedinačnu a posebno za kolektivnu Nagradu.

Četvrta sjednica je održana dana 15.02.2024. godine kada je proveden drugi korak II kruga glasanja, u skladu s Poslovníkom o radu Odbora i utvrđena lista kandidata za dodjelu Nagrade za Gradsko vijeće i to posebno za dodjelu pojedinačne Nagrade sa dva kandidata i posebno za dodjelu kolektivne Nagrade sa dva kandidata. Stručna služba je zadužena da, u skladu sa navedenom listom, pripremi prijedloge odluke za Gradsko vijeće sa obrazloženjem i pripadajućim materijalima koje bi Odbor na sljedećoj sjednici utvrdio aklamacijom i uputio Gradskom vijeću na razmatranje i konačno odlučivanje. Odbor je zadužio Stručnu službu i da pripremi izvještaj o radu Odbora za Gradsko vijeće.

Na Petoj sjednici je Odbor donio sljedeće **zaključke**:

1. Odbor za dodjelu “Šestoaprilske nagrade Grada Sarajeva” u 2024. godini donosi Izvještaj o radu Odbora i podnosi ga Gradskom vijeću na razmatranje i usvajanje;
2. Odbor za dodjelu “Šestoaprilske nagrade Grada Sarajeva” u 2024. godini utvrđuje;
 - Prijedlog Odluke o dodjeli pojedinačne “Šestoaprilske nagrade Grada Sarajeva” u 2024. godini (akademkinja Branislava Draženović rođ. Peruničić) koji je u prilogu ovog akta
 - Prijedlog Odluke o dodjeli pojedinačne “Šestoaprilske nagrade Grada Sarajeva” u 2024. godini (Zdravko Čolić) koji je u prilogu ovog akta
 - Prijedlog Odluke o dodjeli kolektivne “Šestoaprilske nagrade Grada Sarajeva” u 2024. godini (Udruženje RENESANSA) koji je u prilogu ovog akta
 - Prijedlog Odluke o dodjeli kolektivne “Šestoaprilske nagrade Grada Sarajeva” u 2024. godini (Udruženje Vijeće kongresa bošnjačkih intelektualaca Sarajevo) koji je u prilogu ovog akta

i upućuje ih Gradskom vijeću na razmatranje i konačno odlučivanje.

Uz ovaj izvještaj se arhiviraju zapisnici o radu sjednica Odbora i pripadajući materijali.

PREDSJEDAVAJUĆI ODBORA

Adi Škaljić, s.r.